

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Aviisi Sermitsiaq-kut saqqummertukkut atuarneqarsinnaavoq Royal Greenland A/S-ip avaleraasartoorniarnermi inuttaqarnermut nalunaarut unioqqutittariaqarsimagaa, utoqqatsissutigineqarluni misilittagalinnik nunatsinni pissarsisinnaannginneq. Inuttaqarnermut nalunaarummik unioqqutsitsineq Naalakkersuisut akueriinnarsinnaavaat? (Inatsisartunut ilaasorta q Saxtorph Didriksen, Siumut)

Tunngavilersuut

Utoqqatsissutigineqartoq akuersaaruminaappoq nunatsinni suliffissaaleqineq taama annertutigittillugu. Nunatsinni inuttanik pissarsisinnaannginneraaneq atorsinnaanngilaq.

Pisortat suliffeqarfissua nunatsinni najugalinnik sulisoqarnissaminut aammalu inuttaqarnissaminut pisussaaffimmik akisussaassuseqarnerusariaqarsoraara, ukiorpassuarnimi utoqqatsissutaasartoq “misilittagaqannginneq” utoqqatsissutigissallugu tunngavissaanngimmat. Aalisariaatsimut allaanerulaartumut ikaarsaarnerani innuttaasut sapinngisamik amerlanerpaat atornerqartariaqarput, aqumiuppata, inuttaappata imaluunniit maskiinalerisuuppata.

Tassami ukiorpassuarni immap naqqatigut qalorsorneq kalaalerpassuit peqataaffigereerpaat, taamaattumik ikerinnarsiorluni qalorsorneq pisariinneruvoq, aalisaaatit ikerinnarsiutit qaluiarnissamut “ungasinnerusarmata” aammalu saarlisaartut immap naqqanut nungullarsaaneq ajormata.

Taamaattumik utoqqatsissutigineqartoq akuersaarnagu qulaani apeqquut apeqqutigivara, sapinngisamillu nunatsinni innutaasut aalisarnermi peqataatsinneqarnissaat pingaartillugu.

Apeqquuteqaatima ullut suliffiusut qulit iluanni akineqareersimanissaat kissaatigaara.